

15. gr.

178

Vinningar, sem enginn hefur vitjað innan eins árs frá drætti, verða eign happdrættisins. 9. nóv.

16. gr.

Reglugerð þessi, sem sett er samkvæmt lögum nr. 18 22. apríl 1959, öðlast þegar gildi. Jafnframt er úr gildi felld reglugerð nr. 1 9. jan. 1957, um vöruhappdrætti Sambands íslenzkra berklasjúklinga.

*Fjármálaráðuneytið, 9. nóvember 1959.*

**Guðm. Í. Guðmundsson.**

*Sigtr. Klemenzson.*

**Staðfesting forsetans á skipulagsskrá fyrir Minningarsjóð Jóhönnu Margrétar 179**  
 Þorlákssdóttur, útgefin á venjulegan hátt að mandatum af dómsmálaráðherra 12. 12. nóv.  
 nóvember 1959.

Skipulagsskráin er þannig:

## SKIPULAGSSKRÁ

fyrir Minningarsjóð Jóhönnu Margrétar Þorlákssdóttur.

1. gr.

Sjóðurinn nefnist Minningarsjóður Jóhönnu Margrétar Þorlákssdóttur og er hann stofnaður af Guðmundi Jónssyni, trésmið, síðast að Hallveigarstíg 8 í Reykjavík, með arfleðsluskrá hans, dags. 28. febrúar 1955, til minningar um konu hans, Jóhönnu Margréti Þorlákssdóttur, Hallveigarstíg 8 í Reykjavík, sem andaðist 12. apríl 1944.

2. gr.

Stofnfé sjóðsins er samkvæmt úthlutan í dánarbúi gefandans, framkvæmdri af skiptarétti Reykjavíkur 1. maí 1957, kr. 45 259.58 — fjörutíu og fimm þúsund tvö hundruð fimmtíu og níu krónur og 58 aurar.

3. gr.

Tilgangur sjóðsins er sá að styrkja eftir nánari ákvarðan sjóðstjórnarinnar þá menn, er þjást af augnsjúkdómum, sumpart á þann hátt að veita þeim styrk til að leita sér lækninga við tédum sjúkdómum og sumpart með beinum eða óbeinum fjárhagslegum stuðningi til framfærslu þeirra eða annarra nauðsynja.

4. gr.

Sjóðurinn er eign Blindravinafélags Íslands og fer stjórn þess félags með stjórn sjóðsins, enda er formaður Blindravinafélags Íslands formaður sjóðsins. Verði Blindravinafélag Íslands lagt niður, skulu sitja í stjórn sjóðsins: Landlæknir, sem þá verður formaður sjóðstjórnar, borgarlæknirinn í Reykjavík og augnlæknir sá, er á hverjum tíma kennir augnlækningar í læknaeild Háskóla Íslands.

5. gr.

Sjóðurinn skal ávaxtaður eftir því sem stjórn hans telur tryggilegast, enda skulu reikningar sjóðsins gerðir upp árlega og endurskoðaðir af endurskoðendum Blindravinafélags Íslands, en síðan lagðir fyrir aðalfund þess félags til samþykktar. Skal reikningsár sjóðsins vera hið sama sem reikningsár félagsins. Reikningar sjóðsins skulu árlega birtir í B-deild Stjórnartíðinda.